

【片頭音樂】

【背景音樂】

師: 逐家好，

歡迎收聽【興化圖書館】介紹好冊的時間！

我是宛瑜老師。

生: 我是五年 1 班 莊于德 。

老師，中秋節過了後，我猶閣咧想 彼暗的月娘咧～

師: 對啊！因為彼工是中秋節，月娘是真大粒閣真圓！

啊你除了有看著月娘，猶閣有創啥物代誌？

生: 有啊！我彼工和阿爸阿母佻阿兄，規家伙仔鬥陣去阿嬤個兜烘肉，

阮做伙食烘肉、食柚仔、閣食月餅 看月娘，有夠熱鬧！

阮閣共柚仔皮剝起來做帽子，戴在頭殼頂 看起來真趣味！

師: 哇！按呢聽起來，這個中秋節你一定真歡喜喔～有食閣有掠～

中秋節在農曆八月十五，是一年當中月娘上大、上圓，閣看起來上光的日子。

咱祖先講「月圓人團圓」，所以逐家會佇這工做伙食月餅、賞月佻講古，

親像老師嘛有回去故鄉，佻我的親人團圓互相關心。

中秋節你敢有食到月餅？

生: 有啊！我上愛食\_\_\_\_\_月餅，猶有蛋黃酥！

師: 你愛食甜甜的月餅，老師嘛愛。

毋過袂使食傷濟，無，會變大箍啦！哈哈～

月餅毋但是好食的點心，伊嘛有故事～

你干知影？有一本冊叫做《月餅裡的秘密》，

作者: 蔡惠光、林良先生，出版社:國語日報社。

這本冊講的不是咱食的月餅，顛倒是藏佇在月餅裡的祕密.....

生: 月餅內面藏祕密？是啥物？

師: 中秋節月餅，竟然是漢人攻打野蠻人的祕密武器？

師:「食月餅會使避邪，若感覺好食就照咧做」

收到月餅的人攞得到按呢的信號，這代表是啥物意思咧？

這本冊內底閣有另外一个中秋節一定愛知影的故事，彼就是「吳剛砍桂樹」

吳剛是一个少年閤足巧的人，猶毋過學代誌攞無耐心，

綴師傅學做木工，學兩個月就感覺無聊。

後來去學做生理，三個月就感覺足煩。

落尾伊決定學做神仙，會使逍遙自在。

毋過，他最後干有成功做仙哪？

小朋友，你哪有興趣，會使去圖書館借冊來讀。

生: 哇～原來月餅猶會使「講故事」喔！

師: 嘿啊！每一塊月餅，其實毋但是食物，嘛是會使講是一個家庭的故事。

生: 老師，我嘛有讀過一本冊叫做《小月和月亮先生》，

作者：越智典子、出版社：道聲。

師：喔～這本冊老師嘛足恰意。

你講看覓，內面是咧講啥物？

生: 佇本冊講月娘有真濟真濟祕密，

月娘恰查某囡仔相拄的故事，內底有真濟趣味的科學知識，

「阿母，為啥物月娘一直綴我走？」

「媽～月娘按怎攞毋出來？」

「阿爸，月娘哪會無圓啊？」

「爸～月娘有偌大？月娘有多遠？月娘為啥物會發光？」

冊內面攞會恰你講答案喔～

師：這本冊嘛有得到獎喔！

有興趣的小朋友，可以來去圖書館借轉去讀。

阿德，你干有聽過一个中秋的俗語，叫做：

「年怕中秋月怕半，人怕四九歲怕寒。」

生: 遮我毋捌聽過。

師: 老師細漢時就聽長輩講，中秋一到，都差不多咧欲過年啊！

短襖要收，長襖要準備。日時真熱人，暝時就會透風。

主要是咧講，中秋一到，變化會較大，早慢溫差嘛會較大。

日時哪穿短襖，到暗時風一吹落去，真緊就感冒啊！

所以，早時出門真熱，毋過嘛是愛加紮一領薄的外套。

生: 無毋著，逐家要注意家己的健康！

最後，祝福逐家《月圓人團圓，平安慶豐年》

師: 感謝你今仔日的收聽，我是宛瑜老師。

生: 我是阿德！咱後擺再見囉～再會！